

rere, non oportebat definitionis negotium disturbare. Quid enim times? Ne non deinceps eo in honore futuri sint, quo ante fuerunt; si forte illorum opinionem, quæ tua est, Ecclesia rejiciat? Explosa est olim Cypriani, ac penè omnium Africanorum sententia; qui putarunt ab hæreticis venientes esse iterum baptizandos: illorum etiam, qui Melchisedech non hominem quempiam, sed Spiritum Sanctum esse dixerunt. Veniale peccatum perpetrassè Mariam fuit Patrum gravissimorum opinio (a), Irenæi, Athanasii, Cypriani, Chrysostomi, Gregorii Nysseni, Andreae Hierosolymitani, Bedæ, Ammonii, Origenis, Tertulliani, Euthymii, Theophylacti. Eam rejecit Tridentinum Concilium, & ab omni peccato, quod est actionis, Virginem seivir abhorruisse ex Ecclesiæ consensu (b). An est idcirco eorum Patrum vel dignitas, vel auctoritas imminuta? Quin habentur in pretio a sapientibus viris; neque mirum videri debet, errasse illos interdum, cum hominès fuerint. Ad eum modum, si Mysterium Conceptionis Ecclesia aliquando decernat, noli, quæso, dubitare, quin sint futuri, qui Patres illos clementer accipiant, si quibus aliter visum est. Facient omnes, quod te, tuosque nunc etiam facere æquum esset; cum honoris præfatione Antoninum relinquent, ubi aperte repugnat; commode alios explicabunt; eosque tandem sequentur, quos cum Ecclesia idem sentire perspicuum est. Si quis autem e vulgo male sanus, & procax audebit Ordinem quempiam maledictis incessere, lege multabitur. Non enim, si doctrina rejicitur, consequens est, ut impune Doctoribus fiat

(a) *Iren. lib. 3. cap. 18. Athan. serm. 4. cont. Ar. Cyp. serm. de Pasf. D. m. Chrys. hom. 4. in Matth., 20. in Joan., & in Ps. 63. Greg. Nyss. orat. in illud, Quando sibi subjecerit omnia. Andreas Hier. serm. de B. V. Beda sup. miss. est. Amm. in Evang. Joa. Orig. hom. 1. in Gen., & 17. in Luc. Tertull. de carn. Christi cap. 7., & lib. 4. cont. Mar. cap. 19. Euthym. in 1. Luc. Theophyl. in 1. Luc.*

(b) *Sess. 6. Can. 23.*